

2020.12.1

(2)

第1028

74335

吳縣志

洞庭鄧邦述
署籤



廿八

吳縣志卷第六十六上

列傳

吳縣

明

張簡字仲簡初師張雨爲道士隱居鴻山元季兵亂以母老歸養遂返儒服洪武三年薦修元史當元季浙東西士大夫以文墨相尙每歲必聯詩社聘一二文章鉅公主之四方名士畢至讌賞窮日夜詩勝者輒有厚贈臨川饒介爲元淮南行省參政豪於詩自號醉樵嘗集諸名士賦醉樵歌簡詩第一贈黃金一餅高啓次之得白金三斤楊基又次之猶贈

一鑑明史

楊基字孟載其先蜀嘉州人祖宦吳中生基遂家焉九歲背誦六經及長著書十餘萬言名曰論鑒遭亂隱吳之赤山張士誠辟爲丞相府記室未幾辭去客饒介所明師下平江基以饒氏客安置臨濠旋徙河南洪武二年放歸尋起爲滎陽知縣謫居鍾離被薦爲江西行省幕官以省臣得罪落職六年起官奉使湖廣召還授兵部員外郎遷山西副使進按

吳縣志

卷第六十六上

列傳三

察使被讒奪官謫輸作竟卒於工所初會稽楊維禎客吳中以詩自豪基於座上賦鐵笛歌維禎驚喜與俱東語從游者曰吾在吳又得一鐵矣若曹就之學優於老鐵學也明史

王行字止仲幼隨父依賣藥徐翁家徐媼好聽稗官小說行日記數本爲媼誦之媼喜言於翁授以論語明日悉成誦翁大異之俾盡讀家所有書遂淹貫經史百家言未弱冠謝去授徒齊門名士咸與交富人沈萬三延之家塾每文成酬白金鑑計行輒麾去曰使富而可守則然臍之慘不及矣洪武初有司延爲學校師已謝去隱於石湖其二子役於京行往視之涼國公藍玉館之於家數薦之太祖得召見後玉誅行父子亦坐死始吳中用兵所在多列礮石自固行私語所知曰兵法柔能制剛若植大竹於地繫布其端礮石至布隨之低昂則人不能害礮石無所用矣後常遇春取平江果如其法行亦自負知兵以及於禍云初高啓家北郭與行比鄰徐賁高遜志唐肅宋克余堯臣張羽呂敏陳則皆卜居近號北郭十友又稱十才子明史

周南老字正道本道州人濂溪先生後宋季徙吳祖才父文英南老元季用薦授永豐縣學教諭改當塗縣代還會天下亂省臣奏爲吳縣主簿僧普益殺人久不得尸南老移檄責

縣神次日覺羣鳥飛繞有異跡其所止獲尸於湖濱縣稱神明尋辟爲浙省掾上書言時政六事曰開荒田節財用通鹽法息奔競辨禮分公銓選除兩浙鹽運知事進淮南行省照磨改江浙行省進擢本省理問明初徵詣太常議郊祀禮禮成發臨濠居住數月放還又十六年卒年八十三子敏字遜學洪武中任長洲學教諭後與金華胡隆成同召以親老辭歸終廣東軍器局副使子汝安溪主簿淵遂昌知縣孫綱字文敘以薦授廣西融縣丞進知縣治融十八年有惠政成化中都御史韓雍以融人思綱不忘奏綱子奎爲融丞未幾進攝知縣兼攝羅城懷遠二縣後丁母憂改茶陵州判官卒

姑蘇志

吳顯洪武初知湘鄉縣處心公正律已廉勤招集流民懇荒田八千餘畝澤遺後人

湖南道志

錢達字伯行父良佑字翼之博學工詩尤工篆隸元文宗時嘗被旨書農桑輯要大學衍義廷臣交薦宜列館閣不報至大間署吳縣教諭既代遂不復出自稱江邨民遠刻意力學年四十餘猶無宦情至正間江浙行省分治於蘇始起家授登仕郎行省管勾架閣尋除本省檢校官歷左右司都事陞淮南行省員外郎洪武初選詣太常議禮禮成發居鳳陽未幾放歸後以事逮詣京卒達爲人淳厚雅飭稽古考訂雖老不倦其書雖傳家學而論

吳縣志

卷六十六上

列傳三

二

者謂特過之篆隸行楷悉追古人妙處一時若參政王叔能平章達兼善咸推重之

姑蘇志

葉頤字伯印家洞庭東山父國英個儻好結納名士儒學提舉李祈國子助教宇文公諒並主其家故頤學有端緒尤長於詩元季中江浙行省鄉試署和靖書院山長意頗不樂挾策走燕京會天下亂流落濠亳間比歸而家已蕩然故人耿炳文以討張士誠累功封長興侯遣人招頤欲薦於朝頤曰時去志遠年幾知非無庸是爲也乃益放情詩酒伴狂自恣自稱浮邱醉史竟客死長興又有許曄光遠者亦家洞庭洪武初應召至京獻詩又陳省刑薄稅之策以老乞歸賜布袍放還今山中有許山人亭

姑蘇志

徐達左字良夫少受易於鄱陽邵弘道又受書於天台董仁仲值時多故隱居光福山中家故饒喜接四方名士復延師家塾以教族子弟歲祭宴享會族衆於家講論詩書禮樂升降揖讓有禮洪武初鄉人施仁守建寧請爲其學訓導師道克立居六年卒於學宮

俞貞本傳

陳汝秩字惟寅父徵字明善自廬山徙居吳中有學行稱天倪先生汝秩少與弟汝言齊名而性高亢不苟合汝言爲張士誠所辟親信用事聲勢甚盛汝秩安貧樂道若弗聞也洪武初以人才徵至京以母老辭歸卒汝言字惟允闔爽有雋才尤工詩畫張氏時爲太尉

府參謀洪武初官濟南府經歷坐事卒子繼自有傳

姑蘇志 乾隆志曰原在流寓今移入此而稍易其詞

易字純父吳縣人爲嘉興簿明初羽檄交馳傳使所經科索繁重天錫以柔道處之民孚

後田多荒蕪勉有力者墾之繫囚病疫爲湯藥饋粥以活之有殺人情真而未

獲尸久繫稱冤天錫廉得之囚具服民稱神明

通志

張三同進士洪武初知白水草昧之初能相地宜從民便修復城署均徭役民咸頌之

陝西通志

朱應辰字文奎少治禮經爲舉子元季屢試不中乃棄去從會稽楊維禎學爲古文詞洪武

初爲郡學訓導後改江陰卒應辰博學多技能詩文衍暢炳蔚尤精篆籀之學

姑蘇志

蕭規字元則其先湘潭人明初徙居吳江再徙郡城其學長於春秋毛氏詩讀書樂道不求

祿仕人稱竹園先生子二潭字孟南庚辰進士終建始知縣湘字仲南永樂中舉秀才授

中書舍人終大理評事俱有文學

姑蘇志

俞貞木初名楨字貞木後以字行更字有立琰之孫自少篤志問學力追古人既冠以學未

成不娶負笈從永嘉陳麟學易元季兵起杜門不出洪武初以薦授樂昌知縣丁父憂服

闋改都昌縣復以母憂去後以親族犯法例弗起郡守姚善雅重之延以訓子無何會鄉

吳縣志

卷六十六上

三

列傳三

人有辨曲直者妄以書抵之被逮至京既白將歸病暴下卒時建文三年七月壬寅也年七十一貞木爲人清苦敦行古道居官務崇禮化有古循吏風晚歲益勵清節朝夕不繼

澹如也

王汝玉誌

韓奕字公望宋魏公琦之後其先自安陽徙居吳之樂橋父凝工醫載藝術傳奕幼端重簡

默動作循矩度雖居塵市而樂游覽放浪山水間褐衣芒屨一童自隨往來山僧野客家

累月不歸或時藉草而坐微吟長嘯人莫測其意性穎敏博學工詩與王賓俱隱於醫賓

既爲郡守姚善所禮乃復因賓致奕奕終不往一日與賓詣之奕走楞伽山善隨至奕泛

小舟入太湖善歎曰韓先生所謂名可得聞身不可得而見也

姑蘇志

吳文泰字文度喜爲詩清才逸思雖憂困不廢吟咏與同郡丁敏爲友日夕吟不休嘗閉戶

共爲詩人見其終日突無煙往視則方瞠目相對忘飢語益厲苦洪武間爲涿州同知後

坐事去官歸以詩自娛卒年七十四敏字遜學固窮守志永樂間流落江淮嘗館某氏師

席有故人自遠來訪主家無留意卽束書要客歸主惶恐數謝過竟不就飢寒死於道路

乾隆志

嚴德珉洪武時由御史擢左僉都御史以疾求歸帝怒黥其面謫戍南丹遇赦放還布衣徒步自齒齊民宣德中猶存嘗以事爲御史所逮德珉跪堂下自言曾在臺勾當公事曉三尺法御史問何官答曰洪武中臺長所謂嚴德珉是也御史大驚揖起之次日往謁則擔囊徙矣有教授與飲見其面黥戴敝冠問老人犯何法德珉述前事因言先明國法甚嚴仕者不保首領此敝冠不易戴也乃北面拱手稱聖恩聖恩云

史明

郁新字銘本從父徙臨淮

乾隆志曰明史字數本臨淮人今從解籍所撰墓誌銘神道碑

洪武中才徵授戶部度支主事

遷郎中踰年擢本部右侍郎嘗問天下戶口田賦地理險易應答無遺帝稱其才尋進尙書時親王歲祿米五萬石新定議減五之四並定郡王以下祿有差又以邊餉不繼定召商開中法令商輸粟塞下按引支鹽邊儲以足建文二年以疾歸成祖卽位召掌戶部事永樂元年河南蝗有司不以聞新劾治之初轉漕北京新言自淮抵河多淺灘跌坡運舟艱阻請別用淺船載三百石者自淮河沙河運至陳州潁溪口跌坡下復用淺船載二百石者運至跌坡上別用大船運入黃河至八柳樹諸處令河南車夫陸運入衛河轉輸北京從之又言湖廣屯田所產不一請皆得輸官粟穀糜黍大麥蕎麥二石准米一石稻穀

吳縣志

卷六十六上

列傳三

四

葛林二石五斗穆稗三石各准米一石豆麥芝麻與米等著爲令二年議公侯伯駙馬儀賓祿二百石以上者請如文武官例米鈔兼給三年以士卒勞困議減屯田歲收不如額者十之四五又議改納米北京贖罪者於南京倉皆允行是年八月卒於官帝歎曰新理邦賦十三年量計出入今誰可代者輟朝一日賜祭葬新長於綜理密而不繁其所規畫後不能易

史明

徐瓚洪武間以儒士舉授浦城知縣先德後刑吏民畏服歲旱躬禱百丈山甘雨隨應

福建通志

黃采字宗素洪武間以御史改授尤溪知縣先是縣用市民拘繫里胥以集事

市民里胥四字似互譌

采盡釋之示以信義事集民安

福建通志

張真洪武末知諸暨縣性鎮重廉介是時縣始去兵民稍營聚而湖山間土最瘠以賦重皆棄不耕元知州馮翼請蠲賦乃始佃墾至是司國計者欲履畝升科百姓憂懼真持不可以身爲請乃得減其賦額至今賴之

萬曆紹興府志

沈均自號養真老人人生於明洪武建文間成祖登極隱居不仕精研宋儒之書躬行實踐於儒釋之界辨別尤嚴所居有棲鶴樓鏡心池聞香環翠諸室在閭門桃花塢

見鶴樓語錄

至今

其地猶稱沈家街

陳祚字永錫永樂中進士擢河南參議十五年與布政使周文褒王文振合疏言建都北京非便並謫均州太和山佃戶躬耕力作處之安然宣德二年試選謫諸臣祚策第一擢御史巡按福建方面大吏多被彈擊禁止和買閩人德之還奏白塔河上通邵伯湖下注大江蘇松舟楫多從往來淺狹湮塞請開濬從之轉漕果便尋出按江西時天下承平帝頗事游獵玩好祚馳疏勸勤聖學其略曰帝王之學先明理明理在讀書陛下雖有聖德而經筵未甚興舉講學未有程度聖賢精微古今治亂豈能周知洞晰真德秀大學衍義一書聖賢格言無不畢載願於聽政之暇命儒臣講說非有大故無得間斷使知古今若何而治政事若何而得必能開廣聰明增光德業而邪佞之以奇巧蕩聖心者自見疏遠天下人民受福無窮矣帝大怒下祚獄逮其家人十餘口隔別禁繫者五年其父竟瘐死英宗立得釋復官再按湖廣以奏違王貴烺罪有隱與巡撫侍郎吳政逮至京下獄尋赦出時王振用事法務嚴峻祚上言乃者司法論獄多違定律如侍郎吳璽誤舉主事吳軾宜坐貢舉非其人律乃坐以奏事有規避律斬及軾自經死獄官獄卒罪應遞減乃援不應

吳縣志

卷六十六上

列傳三

五

爲重罪概杖之一事如此餘可推矣天時不順災沴數見未必非此帝是之以其章示法司尋改南京遷福建按察使僉事有威惠神祠不載祀典者悉撤去久之以疾歸卒祚天資嚴毅雖子弟罕接其言笑獨重里人邢量挾策質疑往往至暮明史子寧新野王教授寧子悅永定知縣姑蘇志

李玉字汝成以進士授大理評事永樂間改知義烏縣廉介有守時朝廷營造部使者絡繹來縣催夫匠索賄賂玉歎曰豈可剝民以媚人乎惟夙夜勉完厥事而已未幾以舊官代解任去民遮留弗忍舍浙江通志

楊翥字仲舉少孤貧隨兄戍武昌授徒自給楊士奇微時流寄窘乏翥輒解館舍讓之而已教授他所士奇心賢之及貴薦翥經明行修王志堅云舊志傳皆言楊文貞薦按公自誌不然蓋武昌人郭存誠爲山東按察使薦公

於朝

宣宗詔試吏部稱旨授翰林院檢討歷修撰正統中詔簡郕王府僚諸翰林皆不欲行乃出侍講儀銘及翥爲左右長史久之引年歸王卽大位入朝拜禮部右侍郎景泰三年進尙書給祿致仕明年卒年八十五翥篤行絕俗一時縉紳厚德者翥爲最旣沒景帝念之召其子肆入覲授本邑主簿明史

張有字繼孟子少從金華宋濂學爲文有光燄作詩長於古風書效薛稷爲南辭新聲樂

府一一臻妙廣穎修髯衣冠楚楚若神仙中人然隱約不仕年八十餘卒

杜瓊小傳

金問字公素道立子少受易俞貞木家貧無書常從人借讀無不通解永樂初被薦爲司經局正字時宮僚多得罪問亦坐繫獄十年非義相餽皆不受時黃淮楊溥同坐繫三人相得甚省躬念咎之暇各持一經相與講論曰此處憂患之道也洪熙初命待詔思善門制授翰林修撰備顧問論時政得失悉見獎納宣德末擢太常少卿兼侍讀學士正統間調南京歲餘進禮部右侍郎卒於官問文行敦茂義聞流著平生閱履否泰相尋而不變所操製述雅健善書得魏晉筆法星曆之學尤精然未嘗語人兄聲亦好古嗜學問事之如嚴師嘗病熱劇醫云必得螺可治方盛寒問解衣循河覓得百枚以進病良已子汝進太僕丞

姑蘇志

袁政字文理嘗學於俞貞木永樂七年以薦授湘陰典史湘陰民素貧而惰於耕遇征調則破產政爲勸課振勵自是民有蓋藏後以夏原吉薦遷遂安知縣未視篆宿於驛亭夢小兒被血者數輩挽其衣覺而問其父老知邑中生女多不舉即嚴禁之後縣民生女多名

吳縣志

卷六十六上

列傳三

六

袁留

姑蘇志

陳鑑字有戒永樂十年進士授御史遷湖廣副使歷山東浙江皆有聲英宗卽位之三月擢右副都御史鎮守陝西北方饑民多流移就食鑑道出大名見之疏陳其狀詔免賦役正統改元鑑言陝西用兵民困供億派徵物料乞悉停免詔可明年五月以勞績下敕獎勵因命巡延綏甯夏邊所至條奏軍民便宜多所廢置所部六府饑請發倉振帝從輔臣請修荒政鑑請徧行於各邊由是塞上咸有儲蓄六年春以鑑久勞於外命與王翱歲一更代七年翱調遼東鑑復出鎮歲滿當代以陝人乞留詔仍舊任時倉儲充溢有軍衛者足支十年無者直可支百年鑑以陳腐委棄可惜請每春夏時給官軍爲月餉不復折鈔從之九年春進右都御史鎮守如故時瓦剌也先漸強遣人授罕東諸衛都督喃哥等爲平章又置甘肅行省名號鑑以聞請嚴爲之備已命與靖遠伯王驥巡視甘肅寧夏延綏邊務聽便宜處置以災疹頻仍條上撫按軍民二十四事多議行鑑嘗恐襄漢間流民嘯聚爲亂請命河南湖廣陝西三司官親至其地撫卹之得旨允行而當事者不以爲意王文亦相繼力言有司怠忽恐遺禍至成化時乃有項忠之役人益思鑑言

乾隆志曰需禮司卿紀正統乙丑上

念鑑久勞於外命右都王代還詔紀英宗北狩景帝監國鑑合大臣廷論王振於是振

專掌院事商輅撰墓碑略同明史失紀姪王山伏誅也先將入犯以于謙薦出撫畿內事寧召還進左都御史景泰二年陝西饑

軍民萬餘人願得陳公活我監司以聞帝復命之鑑至是凡三鎮陝先後十餘年陝人戴

之若父母每還朝必遮道擁車泣再至則歡迎數百里不絕其得軍民心前後撫陝者莫

及也三年春召還加太子太保與王文並掌都察院明年秋以疾致仕卒列卿紀云贈太

保諡僖敏天順七年詔官其子伸爲刑部照磨明史

伊恆字宗有其先沭陽人宋建炎間始居蘇父影以閭右徙京師恆好學善書永樂中簡侍

東宮洪熙初擢工部營繕所正與修撰金問同被命待詔思善門進尙寶少卿景泰中致

仕卒年八十餘恆爲人恭敬靜退不與時競時稱長者姑蘇志恆弟悌字宗性究心理學言

動有矩則子溥字紹方讀書工詩待族人有恩子乘官四川僉事溥年八十五猶日吟詩

展卷不釋徒步陟山巔不倦自號天關山樵祝允明傳恆從子侃字士剛宣德丙辰進士由庶

吉士授工科給事中多所建白年僅三十二卒劉欽志

顧惟敬永樂中以薦授中書舍人累陞大理少卿初仰瞻得罪用事者意在薛瑄及瞻詞不

吳縣志卷六十六上

列傳三

七

連惟敬惟敬曰吾與瑄瞻同寮事得分治豈可使二人獨蒙其罪因自請逮治願與俱謫

然迄無所止降四川知州未幾乞歸家居以禮自持不妄交際年八十餘終姑蘇志

張勛字勉夫父庸永樂甲申進士爲遂平知縣改灤州學正勛侍學於灤永樂丁酉中順天

鄉試授江都訓導秩滿用薦試上國觀光賦陞監察御史知無不言嘗出按山西體察民

隱密封奏之其言激切忌者媒以他事欲陷以死宣宗知其冤卒保有之陞廣西右參政

丁母憂歸卒年止四十九姑蘇志

錢紳字孟書其先自泰州徙吳父中善琴紳少讀書修行與表兄陳繼連居一時儕輩數人

各以所能更互辨難以相資益後領鄉薦授本府儒學訓導陞鄞縣教諭平生無世情與

人無睦睦家藏書甚富多手自抄錄姑蘇志時有錢腹字時用與紳同姓爲昆弟亦有文紳

弟纓亦領鄉薦仕靖安州同知杜啓人傳

商準永樂間連江縣丞勤于民事知無不爲修大成殿拓社稷壇歷著勞勩福建通志

賀廉字以清洞庭東山人邃於易永樂癸卯中京闈第二授連江訓導陞代府紀善爲人簡

嚴屢以抗言忤當道故官不達終福建按察知事家居以經義教授鄉里多所造就子元

忠字澤民成化壬辰進士授行人擢御史巡視漕河又按廣東出爲河南僉事遷雲南副使以疾乞歸元忠執操堅定面目嚴冷在臺時獨持紀綱嘗言吾知有國法不知有他家居雖子弟不敢嫖見敝衣惡食雖宴客亦不肖隨俗奢靡卒年七十八

乾隆志

陳紹先字宗述植子爲文簡質書亦清媚領永樂癸未鄉薦宣德初授荊州府學教授逮王貴給奏授紀善有所諫諍不納謝歸以筆硯自食人購之不輕與年至九十時長洲沈貞吉恆吉兄弟俱壽與紹先優游山澤間稱遺老焉又三年卒

劉鳳先賢傳

虞禎字延吉宣德丁未進士授行人選御史剛峻不阿時中官王振擅權謫禎驛丞公議起再任御史有十三條奇律奏上英宗降旨云天下御史照依虞禎做終以強直出知博平縣在縣欲杖典史行憲體得罪解官卒

乾隆志

吳惠字孟仁洞庭東山人宣德丁未進士初洞庭未有登進士者自惠始授行人持節使占城涉海七日遇颶風同行者倉皇莫措惠神色不變爲文祭禱海神而已使還擢桂林知府時義寧峒蠻結湘苗煽亂三司議進兵討之惠請先招諭乃單車親抵其峒開誠慰撫蠻遂服武岡州盜起宣言推義寧峒主爲帥義寧蠻畏惠其主自出訴武岡盜計遂衰在

吳縣志

卷六十六上

列傳三

八

郡十年陞廣東參政致仕惠性慷慨疏財篤義居官三十年田廬不改其舊家居日飲酒賦詩尤善行草子鳴翰風流俊逸詩文清麗尤精小楷累困場屋以卒

姑蘇志

范希正字以貞宣德三年舉賢良方正授曹縣知縣有奸吏受賦希正按其罪械送京師吏反誣希正他事坐逮曹民八百餘人詣京白通政司言希正廉能橫爲奸吏誣枉侍郎許廓以公事過曹曹父老二百餘人遮道稽顙泣言朝廷尊吾賢令事並聞帝乃釋希正使還縣正統十年山東饑惟曹以希正先積粟得無患大理寺丞張驥振山東聞之因請升曹縣爲州而以希正爲知州從之時州民負官馬不能償多逃竄希正節公費代償九十餘匹逃者皆復業吉水人誣曹富民殺其兄連坐甚衆希正密移吉水按其人姓名皆妄事得白治曹二十三年歷知州再考乃致仕

明史

李肅宣德間知龍泉縣事當攢造閱版籍慨民彫瘵十無五六遂具疏奏請歸併都屬計二百有七減官學田科則民蒙其福嘉靖四年題祀名宦

龍泉縣志

顧俊宣德時爲滕縣丞廉直不畏權勢遷臨清知州去行李蕭然時人賢之

山東通志

諸質字叔義山舉人典教永年改慶元遷國子學錄進監丞擢翰林編修仍理監職以憂歸

遂請老卒質爲人誠信篤直每事審義而行恂恂引退若懦夫至論事裁決侃然不撓陳敬宗爲祭酒剛嚴少許可質以事請輒降顏譚講質居錄常攝丞居丞常攝堂事同輩嫉之伺察終無疵可指同邑夏瑜字公瑾由進士累官考功郎中居官請託不行爲用事者所誣謫戍雲中景泰初遇赦復職致仕天順初再徵以疾不起卒於家爲人朴茂清慎時稱爲長者又有長洲鄭鋼字德新既領鄉薦母亡十年不仕正統乙丑授趙州學正遷吉安府教授再遷寧王府長史致仕操履端潔經學精醇教人有古誼二學至今祀之瑜鋼與質雖先後不一時而人並以厚德同稱

姑蘇志

徐有貞字元玉初名瑤宣德八年進士選庶吉士授編修爲人短小精悍多智數喜功名凡天官地理兵法水利陰陽方術之書無不諳究時承平既久邊備嫻惰而西南用兵不息理以爲憂正統七年疏陳兵政五事帝善之而不能用十二年進侍講十四年秋熒惑入南斗瑤私語友人劉溥曰禍不遠矣亟命妻子南還及土木難作郕王召廷臣問計瑤大言曰驗之星象稽之曆數天命已去惟南遷可以紓難太監金英叱之胡濙陳循咸執不可兵部侍郎于謙曰言南遷者可斬也瑤大沮不敢復言景帝卽位遣科道官十五人募

吳縣志

卷六十六上

列傳三

九

兵於外理行監察御史事往彰德寇退召還仍故官瑤急於進取自剏南遷議爲內廷訕笑久不得遷因遺陳循玉帶且用星術言公帶將玉矣無何循果加少保大喜因屢薦之而是時用人多決於少保于謙瑤屬謙門下士遊說求國子祭酒謙爲言於帝帝曰此議南遷徐瑤耶爲人傾危將壞諸生心術瑤不知謙之薦之也以爲沮已深怨謙循勸瑤改名因名有貞景泰三年遷右諭德河決沙灣七載前後治者皆無功廷臣共舉有貞乃擢左僉都御史治之至張秋相度水勢條上三策一置水門一開支河一濬運河詔從其言於是大集民夫躬親督率治渠建閘起張秋以接河沁河流之旁出不順者爲九堰障之更築大堰鍵以水門閱五百五十五日而工成名其渠曰廣濟曰通源事竣召還佐院事帝厚勞之復出巡視漕河七年秋山東大水河堤多壞惟有貞所築如故有貞乃修舊堤決口自臨清抵濟寧各置減水閘水患悉平還朝帝召見獎勞有加進左都御史八年正月景帝不豫石亨張軾等謀迎上皇以告太常卿許彬彬曰此不世功也彬老矣無能爲徐元玉善奇策盍與圖之亨卽夜至有貞家聞之大喜曰須令南城知此意軾曰陰達之矣令太監曹吉祥入白太后辛巳夜諸人復會有貞所有貞升屋覽乾象亟下曰時至矣

勿失時方有邊警有貞令軌詭言備非常勒兵入大內薄南城毀牆入請上皇登輦遂升奉天門復位即日命有貞兼學士入內閣參豫機務明日加兵部尙書有貞謂亨曰願得冠側注從兄後亨爲言於帝封武功伯兼華蓋殿大學士掌文淵閣事賜號奉天翊衛推陳宣力守正文臣祿千一百石世錦衣指揮使給誥券有貞遂誣少保于謙大學士王文殺之內閣諸臣斥逐略盡陳循素有德於有貞亦弗救也事權盡歸有貞中外咸側目而有貞愈益發舒進見無時帝亦傾心委任有貞既得志則思自異於曹石窺帝於二人不能無厭色乃稍稍裁之且微言其貪橫狀帝亦爲之動御史楊瑄奏劾亨吉祥侵佔民田帝問有貞及李賢皆對如瑄奏有詔獎瑄亨吉祥大怨恨日夜謀構有貞帝方眷有貞時屏人密語吉祥令小豎竊聽得之故洩之帝帝驚問曰安所受此語對曰受之有貞某日語某事外間無弗聞帝自是疏有貞會御史張鵬等欲糾亨他罪未上而給事中王鉉洩之亨吉祥二人乃泣訴於帝謂內閣實主之遂下諸御史獄併逮繫有貞及李賢忽雷雹交作大風折木帝感悟重違亨意乃釋有貞出爲廣東參政亨等恨未已必欲殺之令人投匿名書指斥乘輿云有貞怨望使其客馬士權者爲之遂追執有貞於德州并士權下

吳縣志

卷六十六上

列傳三

十

詔獄榜治無驗會承天門災肆赦亨志祥慮有貞見釋言於帝曰有貞自撰武功伯券辭云繼禹成功又自擇封邑武功禹受禪爲帝武功者曹操始封也有貞志圖非望帝出以示法司刑部侍郎劉廣衡等奏當棄市詔徙金齒爲民亨敗釋歸田里成化初復冠帶閑住放浪山水間十餘年乃卒有貞初出獄時拊士權背曰子義士也他日一女相託金齒歸士權時往候之絕不及婚事士權辭去終身不言其事人以是薄有貞而重士權明史

施槃字宗銘洞庭東山人幼警敏異常兒既長不屑就家人生業奮志於學從父游淮陽就師受經歸補縣學生正統三年領鄉薦明年試禮部皆前列廷試第一授修撰年甫二十三既入翰林日讀中祕書力學篤行爲楊溥所重未踰年卒天下傷之始蘇

張淮字豫源少業舉子一試鎖院卽棄去家貧落魄天才豪宕頃刻千百言合肥徐誌以詩自負倜然謂吳無人衆中自誇蘇臺覽古之作淮援筆屬和立成二章皆出意表徐噤不敢復言明日遁去嘗燕一富人家牡丹盛開主人謂曰子能用中峯梅花詩韻賦百篇乎淮信筆成五十首笑曰詩腸枯矣亟呼酒沃之日未昃竟成百篇又回文一首人以爲神性嗜酒朝暮不離杯勺沉醉墮水而死時有老儒陳體方者亦嗜酒有索詩者醉之以酒

輒有佳句將死頭戴野花肩輿徧游田間狂醉三日而逝其子韶字大和縱酒工詩名亞於淮一夕醉死列朝詩集

劉昌字欽謨少穎敏過目成誦弱冠中正統九年鄉試第一明年會試第二對策忤執政抑置二甲景泰二年授南京工部主事時詔修宋元史昌與崑山張和在選中史事寢復舊任歷員外郎中出爲河南提學副使遷廣東左參政內艱歸服闋卒於家子嘉緒字協中亦工詩文早夭遺腹子穉孫以書翰名號七芝居士乾隆志

奚昌字元啓少游鄉校有雋聲正統甲子以易經中鄉試七試禮部不中遂易尚書諸經亦皆涉獵酷好作詩每大衆中舉手搖足輒爲推敲之狀或見其不利也以是尤之昌曰彼不售者豈盡以詩耶後進生得昌指授多取高第年且五十始中成化己丑進士笑曰吾舉業豈至是始工耶明年卒於京師昌平生賦詩甚多妻惡其苦吟盡取其藁焚之故其集無傳姑蘇志

陳駒舉人正統間任高要知縣值海賊黃蕭養之亂百費皆給而不擾於民時稱能吏廣東通志顧珣字文之性廉介舉進士居京師謝絕饋遺以病在告者十餘年未嘗干謁府縣當道者

吳縣志卷六十六上

列傳三

十一

以其貧賈以白金堅辭不納同時進士盛核字汝愚吳江人天順庚辰進士其清介與珣並皆未受官而卒姑蘇志

顧亮字寅仲生五月而父伯雍歿鞠於母金遭舅氏累蕩產繼值儉人匿所託以女歸亮欲釋怨尋致訟母因卒亮痛焉曰吾終不以仇人女爲妻遂出之徧游江淮間力學行義久之南還入林屋山奮自刻勵發爲文辭聲譽日起學者推之至是乃復娶知府況鍾聞其賢建書塾於木蘭堂西延爲府僚弟子師歷後知府李從朱智勝汪濬凡十五年不廢其教席四公欲以才薦亮固止之子玆字惟遠少勤學焚膏繼晷夜欲睡繫髮帳頂額爲之禿登成化己丑進士未及授官卒牛若麟吳縣志

徐震字德重洞庭西山人家世好文少從陳繼學詩有弔項羽廟睢陽懷古輓岳武穆詩傳播人口與西蜀晏鐸海昌蘇平唱和與十才子之列久之謝賓客歸山中垂簾焚香雖鄰里無行跡日賦詩自娛年七十八卒乾隆志

蔡蒙字時中洞庭西山人以貢入國學授溫州府同知成化四年泰順山中礦賊起朝命中官督兵勦禦會大雨雪官兵凍死甚衆衆議募民壯補伍蒙曰彼烏合之衆苟益兵制其

死命其勢蹙祗激亂耳盍遣官往諭禍福衆推蒙行蒙深入往復宣諭賊感悟解散復建
議取民之強勇丁衆者立爲礦長領夫採鑿民始無爭樂清田數千頃山潦衝激壤爲沮
洳公稅無辦蒙浚渠築塍以時蓄洩俱成膏腴歲饑預儲粟五萬石賑貸秩滿溫人赴闕
請留陞知本府丁外艱服除授辰州知府又丁內艱補廣西之南寧南寧民以競渡死擬
故殺連七人蒙得情盡釋之田州土知府岑浦不法與其族爭襲相攻蒙以理曉喻皆感
服解仇久之以疾歸弘治中卒

乾隆志
廣西通志

黃紋貢生知祁陽縣有巨盜探丸橫甚人莫敢詰紋捕之置之法居官砥操與時忤竟以察
去去之日祁人追送贈以四葛竟不受

湖南
通志

陳琦字粹之以醫籍居京師登成化丙戌進士授南京大理寺副歷寺正出爲江西僉事禁
絕請謁視身刻苦行部攜乾糧所至惟飲水而已廬陵有儒生夜過胡甲被殺官執胡拷
掠胡自誣服琦曰豈有殺人而自置於門者訊之則儒生有仇知其夜適胡也殺之胡得
釋劇盜數十人白晝剽掠琦出令獲一人者賞若干縱其會厚遇之乃得悉其巢穴掩捕
立盡清戎御史蔓引平民入伍琦爭之不得令民自首實歸農者二百餘家遷貴州副使

吳縣志

卷六十六上

列傳三

十二

罷歸初琦在江西都御史李裕家人倚勢占陂澤貧民無所得水琦親詣疏決之還陂於
官裕嫌之未發也及遷貴州裕時爲吏部見琦名卽泚筆抹去之物論譁然宣慰使宋然
率軍民抗疏留之不報歸吳中家具蕭然鬻書自給日與學者講解經義有感觸輒發於
詩所著有冷庵集琦與長洲朱昂爲道義交昂妾施氏被誣坐死刑先懷妊產子於獄琦
入郡庭索香火爲誓於天白其枉出之所生子卽都御史紉也

乾隆
志

顧福字天錫父以工籍隸大興福登成化丙戌進士授刑部主事錦衣千戶吳綬勢甚薰灼
勘獄者皆往受成議福獨不往會下諸獄遂摘其疵誤出爲永州府同知部檄徵芽茶香
草福計合藩所徵上疏請停之遷知吉安府承前政太猛稍濟以寬剗理繁錯條緒畢舉
擢河南參政分守南陽宗藩軍校多不戢每用理斷亦無怨辭招撫流移復業者四千餘
戶有郡人在言路者私請弗獲陰媒藥之遂致仕福性孝友居母喪廬墓三年事兄禎甚
謹嫂欲析居卽遷於外泣告於兄乃得歸然猶引咎自責未嘗語人弟祿亡恤其後俾不
貳志後旌爲節婦友人潘郎中死撫其子如已子比長留爲贅壻趙知府歿又以次女妻
其子其篤厚如此

李東陽
墓表

張習字企鵬成化己丑進士授禮部主事歷員外郎出爲廣東提學僉事喜爲古文詞尤喜搜葺郡中遺文故實一時號爲博雅前輩文集多所梓行嘗纂蘇州志未成而卒初習父曉初中年無子嘗娶一妾既成禮疑而訪之乃一教官之女也父死無以歸故鬻之曉初令與其妻同宿養之如已女擇良人嫁之未幾而習生

姑蘇志

周庚字原已初名京家世業醫而庚喜讀書工古文詞隱居養親初無仕意成化中以名醫徵辭不獲勉強赴京簡入御藥房尋授御醫遷南京太醫院判卒庚爲人清慎文雅狀貌瞿然雖官爲醫而業文不廢其詩沈鬱豐腴有奇氣尤善行楷然皆不苟作

姑蘇志

賀甫字美之其先自蜀徙吳父承宗字宗正隱居教授博學多聞尤通五行家言甫剛明介特有通變才持邦人風俗之柄者數十年子恩字其榮成化四年舉鄉試第一早卒

乾隆志

吳琳字廷章成化壬辰進士授南京刑部主事歷員外郎郎中畏慎自持書獄辭務在寬全不作重劾按人尤恥趨競歷十八年始遷貴州參議弘治初以慶賀入都卒琳性善容人有犯不校人有負之無怨言最著長厚名

楊循吉傳

王琬成化中知光化縣劇賊劉千斤作亂朝廷出師討平之民散處山澤慮生變議盡驅出

吳縣志

卷六十六上

列傳三

十三

境琬議招徠既而遣都御史原傑來安撫琬乃單騎入山諭以威德編爲里社緩其賦役民遂帖然後以中貴人往來需索棄官歸

湖北通志

王鑒字濟之琬子年十六隨父讀書國子監諸生爭傳誦其文侍郎葉盛提學御史陳選奇之稱爲天下士成化十年鄉試明年會試俱第一廷試第三授編修杜門讀書避遠權勢弘治初遷侍講學士充講官中貴李廣導帝游西苑鑒講文王不敢盤于游畋反覆規切帝爲動容講罷謂廣曰講官指若曹耳壽寧侯張繼故與鑒有連及繼貴鑒絕不與通東宮出閣大臣請選正人爲宮僚鑒以本官兼諭德尋轉少詹事擢吏部右侍郎嘗奏陳邊計言昨火篩入寇大同緣邊諸將皆嬰城固守無一人敢當其鋒者臣竊謂今日變倖亂政功罪不明委任不專法令不行邊圉空虛此人心所以日懈士氣所以不振望陛下大奮乾剛時召大臣咨詢邊將勇怯有罪必罰有功必賞專主將之權起致仕尙書秦紱爲總制節制諸邊提督右都御史史琳坐鎮京營遙爲聲援厚卹沿邊死事之家召募邊方驍勇之士用間以攜其部曲分兵掩擊出奇致勝寇必不敢長驅深入從之又言宜倣前代制科如博學宏詞之類以收異才六年一舉尤異者授以清要之職有官者加秩數年

之後士類濯磨必以通今學古爲高脫去謾聞之陋不能用尋以父憂歸正德元年四月起左侍郎與韓文諸大臣請誅劉瑾等八黨俄瑾入司禮大學士劉健謝遷相繼去內閣止李東陽一人瑾欲引焦芳廷議獨推鑒瑾迫公論命以本官兼學士與芳同入內閣踰月進戶部尚書文淵閣大學士明年加少傅兼太子太傅景帝汪后薨疑其禮鑒曰妃廢不以罪宜復故號葬以妃祭以后乃命輟朝致祭如制憲宗廢后吳氏之喪瑾議欲焚之以滅迹曰不可以成服鑒曰服可以不成葬不可薄也從之尚寶卿崔璿等三人荷校幾死鑒謂瑾曰士可殺不可辱今辱且殺之吾尚何顏居此李東陽亦力救璿等得遣成瑾銜尚書韓文必欲殺之又欲以他事中健遷鑒前後力救得免或惡楊一清於瑾謂築邊牆糜費鑒爭曰一清爲國修邊安得以功爲罪瑾怒劉大夏逮至京欲坐以激變罪死鑒爭曰岑猛但遷延不行耳未叛何名激變時中外大權悉歸瑾鑒初開誠與言間聽納而芳專嬖阿瑾橫彌甚禍流縉紳鑒不能救力求去四年疏三上許之賜璽書乘傳有司給廩隸咸如故事家居十四年廷臣交薦不起世宗卽位遣行人存問疏謝因上講學親政二篇帝優詔報聞官一子中書舍人嘉靖三年復詔有司存問未幾卒年七十五贈太傅

吳縣志

卷六十六上

列傳三

十四

諡文恪鑒博學有識鑒文章爾雅議論明暢晚著性善論一篇王守仁見之曰王公深造世未能盡也少善制舉義後數典鄉試程文魁一代取士尙經術險詭者一切屏去弘正閒文體爲一變

明史

劉纓字與清其先清江人以尺籍隸蘇州衛登成化十四年進士授武陵知縣丁母憂服闋補知滕縣以治最召爲河南道御史出按福建沙縣民陳富誣鄧釗殺父獄已具纓視案疑之密訊諸里人則釗父實以負債不能償而自刎論富如法釗得釋莆田有隨母出嫁刳股療其繼父者有司以孝聞纓曰虧父體以濟父仇孝如是乎得不罪幸矣又按廣東東莞豪民張政家海澳通番殖貨資緣公牒得捕盜海上欲奪市珠者十人利悉誣爲盜纓讞得其情立出之抵政死指揮倪鳳以捕盜橫甚聞其陰養死士急之恐變以他事誘而殺之鎮守中官妄奏俘男千數可宮以給用詔令解京乃鬻良人以充腐三百人斃者強半又買之海南纓聞亟渡海抵瓊崖諸屬還至德慶見其黨方載小兒五百於舟中纓驗非俘獲卽日散遣以効外戚忤旨孝宗杖而釋之擢太僕寺少卿進右僉都御史巡撫四川居一載以疾歸御史龔元言其練蜀事仍起撫四川諸番掠梁新堡纓督諸兵前後

俘斬千餘正德二年改撫湖廣忤劉瑾逮赴詔獄尋釋還任遷南京大理寺卿召爲兵部右侍郎進南京刑部尚書致仕卒年八十二雷禮列卿記纓從孫遠字紹卿好學多聞喜談世務嘉靖中山太學生官雲南按察使經歷泣政明決強執不受請託上官重其才事多倚以成爲忌者所中免歸陳鑒誌

伊乘字德載溥子成化戊戌進士授南京刑部主事進員外郎居官不苟縱弛而持法甚平尚書張瑄特委重之擢四川僉事簡縣盜屈永朋誣引鄒子琴一家八人同劫被劫者亦恨鄒故爲蜚語動乘卒論出之蓬溪張立仁誣鄰蕭俸爵爲盜又株繫數十人乘廉得其實釋俸爵等而坐張以誣遂寧劇盜董傳與王仕學等聚劫乘訪知安岳孔萬古者族多死士善擊刺因召萬古諭以大義檄兵同勦賊皆成擒鄰盜望風解散秩滿乞終養歸里父歿遂不復出卒年七十六乘平生嗜學至老不倦所著詩文有古作者風子伯熊字臣舉正德丁卯舉於鄉歷深祁二州知州柳州同知所至有聲牛若麟縣志

楊循吉字君謙成化二十年進士授禮部主事善病好讀書每得意手足踣掉不能自禁用是得顛主事名一歲中數移病不出弘治初奏乞改教不許遂請致仕歸年纔三十有一

吳縣志卷六十六上

列傳三

十五

結廬支硎山下課讀經史旁通內典稗官父母歿傾貲治喪寢苦墓側性狷隘好持人短長又好以學問窮人至頰赤不顧清寧宮災詔求直言馳疏請復建文帝尊號格不行武宗駐驛南都召賦打虎曲稱旨易武人裝日侍御前爲樂府小令帝以優俳畜之不授官循吉以爲恥閱九月辭歸既復召至京會帝崩乃還嘉靖中獻九廟頌及華陽求嗣齋儀報聞而已晚歲落莫益堅癖自好尚書顧璘道吳以幣贊促膝論文歡甚俄郡守邀璘璘將赴之循吉忽色變驅之出擲還其幣明日璘往謝閉門不納卒年八十九史明

曹暲字元潔成化進士撫州推官每訊鞠必使兩造各得其情冤獄賴以平反良善得安業

江西通志按乾隆志選舉成化甲辰進士曹暲雲南僉事

毛珵字貞甫成化丁未進士授南京工科給事中中官薄琮橫甚珵劾之論死安遠候柳景誣構兩廣總督秦紱珵抗疏申理有旨景閒住而紱得致仕邱濬博學自信以雄辨濟其說珵論其偏私不可在論思之地歷戶兵兩科山東參議浙江參政致仕林居十年言官數論薦起南京鴻臚寺卿陞太僕宸濠反南京戒嚴兵部尚書喬宇集衆議攻守珵言南京根本重地而安慶實爲屏蔽賊乘吾無備直搗九江窺江左宜調兵水陸並進宇遂屬

瑄督潁泗和陽諸軍爲江表聲援宸濠平乃還進南京右副都御史督視江防引年乞骸改撫治鄖陽再疏上乃得允程沈敏果決長於奏議居官慎刑獄年八十二卒長子錫朋嘉靖戊子舉人以孝友稱乾隆志次子錫嘏諸生值倭人入寇與錫朋捐造城外敵臺五十餘座晚年徙隱天池學者稱石屋先生錢允治傳

施鳳字鳴陽槃姪隨祖商淮陰勤誦讀嘗經孟子河與濟輩閱道傍碑一過歸而書之不失一字倪文僖爲南京禮部尙書以所業往見文僖驚焉爲介於陳御史直夫直夫喜曰從吾游者多矣好古不同流俗惟鳴陽一人鳳益潛心理學歸吳提學御史戴珊敦遣人試以病辭錢學士溥以經明行修薦亦不就於墓所授徒開園鑿池養魚種樹食貧殯行不以干人孝友恭慎家人輩皆化之初鄉有狂悖數犯鳳鳳不校益厚之其人卒悔改晚構一亭於松竹間客至相與宴飲怡然終日王鑒東岡高士傳

杜啓字子開瓊子瓊入孝義傳弱冠肆力經史百家凡禮樂兵農靡不通究成化丁未登進士授長垣知縣黃河決築長隄分導河流由古北道入海有強寇數百持械臨城啓命大開門鳴鼓集衆令居民以木石填街各蓄水於門潛令勇士三百餘閒道出爲外應寇避匿縣

吳縣志 卷六十六上 列傳三 十六

賴以全擢南京御史出爲福建僉事致仕屏居讀書不謁當道王鑒修姑蘇志啓與長洲朱存理浦應祥筆削居多劉縷誌

陳敬字叔莊隱於石湖稱石湖漁者與兄簡同居友愛敬博學工詩兄客死扶柩歸葬子拯字廷濟亦以詩名康熙志

黃暉字日昇弘治庚戌進士授工部主事疏渠通漕考最遷刑部郎中治畿內獄用法平恕兵部尙書馬文升舉暉按邊吏失事者神木知縣某密致銀三千兩暉拒之卒當其罪主將論死忤權貴引疾歸暉性敢決不媼阿取容博綜古今持論若懸河聽者皆竦乾隆志

張琮字廷獻益曾孫弘治庚戌進士自禮部郎中出爲陝西參議值劉瑾亂政以事銜之謫知濟寧州甫一月擢御史出按甘肅時賓鐸初平人心未定琮廣布恩信邊陲以寧遷湖廣副使白蓮教嘯聚千餘人琮俘戮渠魁而貸其餘累擢右副都御史巡撫湖廣平德安襄陽亡部諸妖逆終南京右都御史江南通志參明史

楊昇字起同弘治癸丑進士選庶吉士授戶科給事中有大臣以罪斥資緣再進昇疏劾之武岡知州劉遜被逮言官申救者悉下獄昇預焉已得釋又條上肅朝綱嚴宮禁等十事